

摛藻堂四庫全書薈要

史部

欽定四庫全書叢要

史部

水經注卷二

詳校官編修臣繆晉



欽定四庫全書

水經注卷二

史部

後魏 鄭道元 撰

河水

案二字原本誤連經文今改正近刻篇題作河水二經文上復衍河水二字今刪去

又南入葱嶺山

又從葱嶺出而東北流

案原本及近刻脫此九字杜佑

通典引水經有此文蓋唐已始脫去今據通典補正

河水重源有三非惟二也一源西出捐毒之國

案捐毒近

刻訛作葱嶺之上西去休循二百餘里皆故塞種也身毒

南屬葱嶺高千里西河舊事曰葱嶺在敦煌西八千
里其山高大上生葱故曰葱嶺也河源潛發其嶺分
為二水一水西逕休循國南在葱嶺西郭義恭廣志
曰休循國居葱嶺其山多大葱又逕難兜國北北接
休循西南去罽賓國三百四十里河水又西逕罽賓
國北案此九字原本及近刻並訛作經考注叙葱嶺
之水分東西先載葱嶺分源西流逕休循難兜
罽賓月氏安息入雷翥海之水不得與經文淆紊今改正月氏之破塞王南君罽
賓治循鮮城土地平和無所不有金銀珍寶異畜奇

物踰于中夏大國也山險有大頭痛小頭痛之山赤

土身熱之阪人畜同然河水又西逕月氏國南

案此二字

原本及近刻竝訛作經治監氏城其俗與安息同匈奴冒頓單

于破月氏殺其王以頭為飲器國遂分遠過大宛西

居大夏為大月氏其餘小衆不能去者共保南山羌

中號小月氏故有大月氏小月氏之名也又西逕安

息國南

案此七字原本及近刻竝訛作經

城臨媯水地方數千里最

大國也有商賈車船行旁國畫革旁行為書記也河

水與蜿羅跋禘水同注雷翥海

案此十三字原本及近刻竝訛作經今考

注內叙葱嶺西流之水終於此釋氏西域記曰蜿羅跋禘出阿耨達

山之北西逕于闐國

案西字近刻訛在之北上

漢書西域傳曰于闐之西水皆西流注西海

案之近刻作以注下有于字

又西逕四

大塔北

案此七字原本及近刻竝訛作經考注內言葱嶺西流之水因連及蜿羅跋禘水逕于闐

四大塔陀衛安息同入雷翥海

釋法顯所謂紅尸羅亦不得與經文淆紊今改正

國

案糾近刻作竺刹二字

漢言截頭也佛為菩薩時以頭施人

故因名國東有投身飼餓虎處皆起塔

案銅近刻作餓又

西逕捷陀衛國北

案此八字原本及近刻並訛作經

是阿育王子法

益所治邑佛為菩薩時亦于此國以眼施人其處亦

起大塔又有弗樓沙國

案弗近刻訛作佛

天帝釋變為牧牛

小兒聚土為佛塔法王因而成大塔所謂四大塔也

法顯傳曰國有佛鉢月氏王大興兵衆來伐此國欲

持鉢去置鉢象上象不能進更作四輪車載鉢八象

共牽復不進王知鉢緣未至于是起塔留鉢供養鉢

容二斗雜色而黑多四際分明厚可二分甚光澤貧

人以少花授中便滿富人以多花供養正復百千萬
斛終亦不滿佛圖調曰案近刻佛鉢青玉也受三斗
許彼國寶之供養時願終日香花不滿則如言願一

脫調字

案

旁行為書記也

爲字起至此句虛

把滿則亦便如言又按道人竺法維所說佛鉢在大

月支國起浮圖高三十丈七層鉢處第二層金絡絡

鎖縣鉢鉢是青石或云懸鉢虛空

案旁行為書記也

字止近刻訛在後俗與子合同下河

水又東逕皮山國北之前原本不誤

須菩提置鉢在

金机上佛一足跡與鉢共在一處國王臣民悉持梵

香七寶璧玉供養塔跡佛牙袈裟頂相舍利悉在弗
樓沙國釋氏西域記曰捷陀越王城西北

案捷近刻作捷下同

有鉢吐羅越城佛袈裟王城也東有寺重復尋川水

西北十里有河步羅龍淵佛到淵上浣衣處

案近刻脫淵字

浣石尚存其水至安息注雷翥海

案注內叙跋
水終於此

又

曰捷陀越西西海中有安息國竺枝扶南記曰安息

國去私訶條國二萬里國土臨海上即漢書天竺安

息國也戶近百萬最大國也漢書西域傳又云梨靬

條支臨西海案梨近
刻作犁長老傳聞條支有弱水西王母

亦未嘗見自條支乘水西行可百餘日近日所入也

或河水所通西海矣故涼土異物志曰葱嶺之水分

流東西西入大海東為河源禹記所云崑崙者焉張

騫使大宛而窮河源謂極于此而不達于崑崙也河

水自葱嶺分源東逕迦舍羅國案迦近
刻作伽釋氏西域記

曰有國名伽舍羅逝此國狹小而總萬國之要道無

不由城南有水東北流出羅逝西山山即葱嶺也逕

岐沙谷出谷分為二水一水東流逕無雷國北治盧

城其俗與西夜子合同

案其字原本訛在俗與下今據文義改正

又東流

逕依耐國北去無雷五百四十里俗同子合河水又

東

案此四字近刻作又東流三字

逕蒲犁國北治蒲犁谷北去疏勒

五百五十里俗與子合同河水又東逕皮山國北

案此

九字原本及近刻並訛作經考注文葱嶺河自岐沙谷分為二此先叙南河逕無雷依耐蒲犁皮山而東合于闐河不得與清索今改正

治皮山城西北去莎車三百八十

里

其一源出于閩國南山北流與葱嶺所出河合

案原本及近刻

竝脫所出二字
今據通典補正

又東注蒲昌海

案原本及近刻竝脫
又字今據通典補正

河水又東與于閩河合

案此九字近刻訛作
經原本仍屬注文

南源導

于閩南山俗謂之仇摩置自置北流逕于閩國西治

西城土多玉石

案土近刻
訛作上

西去皮山三百八十里東

去陽關五千餘里釋法顯自烏帝西南行路中無人
民沙行艱難所逕之苦人理莫比在道一月五日得

達于閩其國殷庶民篤信多大乘學威儀齊整器鉢

無聲城南十五里

案城南近刻訛作南城

有利刹寺中有石韓

石上有足跡彼俗言是辟支佛跡法顯所不傳疑非

佛跡也又西北流注于河

案此七字原本及近刻竝訛作經今考上下文乃注

內叙于闐河入葱嶺南河即經所謂北注葱嶺河也南河又東逕

于闐國北

案此九字原本及近刻竝訛作經考上下文竝注內叙葱嶺南河逕于闐扞彌精絕

且未鄙善入牢蘭海不釋氏西域記曰河水東流三得與經文清泰今改正釋氏西域記曰河水東流三

千里至于闐屈東北流者也漢書西域傳曰于闐已

東水皆東流南河又東北逕扞彌國北

案此十字原本及近刻竝

訛作治杆彌城西去于闐三百九十里南河又東逕

精絕國北西去杆彌四百六十里南河又東逕且末

國北

案此九字原本及近刻竝訛作經

又東右會阿耨達大水釋氏

西域記曰阿耨達山西北有大水北流注牢蘭海者

也其水北流逕且末南山又北逕且末城西國治且

末城西通精絕二千里東去鄯善七百二十里種五

穀其俗

案近刻訛作民俗

略與漢同又曰且末河東北流逕

且末北又流而左會南河會流東逝通為注濱河注

濱河又東逕鄯善國北治伊循城故樓蘭之地也樓
蘭王不恭于漢元鳳四年霍光遣平樂監傅介子刺
殺之更立後王漢又立其前王質子尉屠耆為王更
名其國為鄯善百官祖道橫門王自請天子曰身在
漢久恐為前王子所害國有伊循城土地肥美願遣
將屯田積粟令得依威重遂置田以鎮撫之敦煌索
勸字彥義有才略刺史毛奔表行貳師將軍將酒泉
敦煌兵千人至樓蘭屯田起白屋名鄯善焉者龜茲

三國兵各千橫斷注濱河河斷之日水奮勢激波陵
冒堤勸厲聲曰王尊建節案尊近刻訛作遵河堤不溢王霸
精誠呼沱不流水德神明古今一也勸躬禱祀水猶
未減乃列陣被杖鼓譟譖叫且刺且射大戰三日水
乃迴減灌浸沃衍胡人稱神大田三年積粟百萬威
服外國其水東注澤案注內叙葱嶺南河合于闐河終於此澤在樓蘭
國北扞泥城其俗謂之東故城去陽關千六百里西
北去烏壘千七百八十五里至墨山國千八百六十

五里

案八百近刻
訛作三百

西北去車師千八百九十里土地

沙鹵少田仰穀旁國國出玉多葭葦檉柳胡桐白草

國在東垂當白龍堆乏水草常主發導負水擔糧迎

送漢使故彼俗謂是澤為牢蘭海也

案澤原本訛作海據上文其水

東注澤改正釋氏西域記曰南河自于闐東於北三千里

至鄯善入牢蘭海者也北河自岐沙東分南河即釋

氏西域記所謂二支北流逕屈茨烏夷鄯善入牢蘭

海者也北河又東北流分為二水枝流出焉北河自

疏勒逕流南河之北

案此二十五字原本及近刻並訛作經考注文葱嶺河自岐沙

谷分為二此叙北河逕疏勒溫宿姑墨龜茲墨

山注賓樓蘭入蒲昌海不得與經清紊今改正漢書

西域傳曰葱嶺以東南北有山相距千餘里東西六

千里河出其中

案以上約舉漢書西域傳之文近刻西城上行釋氏二字朱謀璋箋謂當

作釋氏西域記非也暨于溫宿之南左合枝水枝水上承北河

于疏勒之東西北流逕疏勒國南又東北與疏勒北

山水合水出北溪東南流逕疏勒城下南去莎車五

百六十里有市列西當大月氏大宛康居道釋氏西

域記曰國有佛浴牀赤真檀木作之方四尺王于宮
中供養漢永平十八年耿恭以戊巳校尉為匈奴左
鹿蠡王所逼恭以此城側澗傍水自金蒲遷居此城
匈奴又來攻之壅絕澗水恭于城中穿井深一十五
丈不得水吏士渴乏笮馬糞汁飲之恭乃仰天歎曰
昔貳師拔佩刀刺山飛泉湧出今漢德神明豈有窮
哉整衣服向井再拜為吏士禱之有頃水泉奔出衆
稱萬歲乃揚水以示之虜以為神遂即引去後車師

叛與匈奴攻恭食盡窮困乃煮鎧弩食其筋革恭與士卒同生死咸無二心圍恭不能下關寵上書求救建初元年章帝納司徒鮑昱之言案章帝近刻訛作明帝遣兵

救之至柳中以校尉關寵分兵入高昌壁攻交河城

車師降遣恭軍吏范羌將兵二千人迎恭遇大雪丈餘僅能至城中夜聞兵馬大恐羌遙呼曰案遙近刻訛作逕

我范羌也城中皆稱萬歲開門相持涕泣尚有六人衣屢穿決形容枯槁相依而還枝河又東逕莎

車國南

案此九字原本及近刻竝訛作經今考注文北河至溫宿合枝河因敘枝河逕疏勒莎車

至溫宿而入

北河此枝河所逕不得為北河蓋治莎

訛作經於是枝河北河相亂後人妄改耳

治莎

車城西南去蒲犁七百四十里漢武帝開西域屯田

于此有鐵山出青玉枝河又東逕溫宿國南

案此九字近刻

訛作北河之東南逕溫宿國又原本及近刻竝訛作經考上下文皆敘枝河所逕此北字亦屬後人妄改

今訂治溫宿城土地物類與鄯善同北至烏孫赤谷

正六百一十里東通姑墨二百七十里于此枝河右入

北河

案注內敘枝河終於此

北河又東逕姑墨國南

案此九字原本及近

刻竝訛作經今考以下皆注內叙蕙嶺北河所逕
字水導姑墨西北案近刻脫水字姑墨川水注之案姑字上
逕姑墨國西治南城案近刻脫南城二字歷赤沙山案近刻脫歷字東南流
日土出銅鐵及雌黃其水又東南流右注北河案河水近
刻訛作波北河又東逕龜茲國南案近刻脫北字又東左合龜茲
川水有二源西源出北大山南釋氏西域記曰屈茨
北二百里有山夜則火光晝日但烟人取此山石炭
冶此山鐵恒充三十六國用故郭義恭廣志云案近刻脫

云龜茲能鑄冶其水南流逕赤沙山釋氏西域記曰
字

國北四十里山上有寺名雀離大清淨又出山東南

流枝水左派焉又東南水流三分右二水俱東南流

注北河

案北近刻訛作此

東川水

案東字上近刻衍又字

出龜茲東北

案近刻脫出字歷赤沙積梨

案近刻脫歷字

南流枝水右出西南入

龜茲城音屈茨也故延城矣西去姑墨六百七十里

川水又東南流逕于輪臺之東也昔漢武帝初通西

域置校尉屯田于此搜粟都尉桑弘羊奏言故輪臺

以東地廣饒水草可溉田五千頃以上

案可近刻
訛作有
其

處溫和田美可益通溝渠種五穀收穫與中國同時

匈奴弱不敢近西域于是徙莎車相去千餘里即是

臺也其水又東南流右會西川枝水水有二源俱受

西川東流逕龜茲城南合為一水水間有故城蓋屯

校所守也其水東南注東川東川水又東南逕烏壘

國南治烏壘城西去龜茲三百五十里東去玉門陽

關二千七百三十八里與渠犁田官相近土地肥饒

于西域為中故都護治焉漢使持節鄭吉并護北道

故號都護都護之起自吉置也其水又東南注大河

大河又東右會敦薨之水其水出焉者之北敦薨之

山在匈奴之西烏孫之東山海經曰敦薨之山敦薨

之水出焉

案近刻脫敦薨之山四字

而西流注于渤海出于崑崙

之東北隅實惟河源者也二源俱道西源東流分為

二水左水西南流出于焉者之西

案近刻脫左水二字逕流焉

者之野

案逕近刻訛作經

屈而東南流

案而字近刻訛作南

注于敦薨

之渚右水東南流又分為二左右焉耆之國城居四

水之中在河水之洲治員渠城西去烏壘四百里南

會兩水同注敦薨之浦東源東南流分為二水澗瀾

雙引

案澗字上近刻衍但字

洪湍濬發俱東南流逕出焉耆之

東導于危須國西

案國近刻訛作城

國治危須城西去焉耆

百里又東南注流于敦薨之數川流所積潭水斯漲

案潭近刻訛作渾

溢而為海

案而原本訛作流據宋本改正

史記曰焉耆近

海多魚鳥東北隔大山與車師接敦薨之水自西海

逕尉犁國國治尉犁城西去都護治所三百里北去
焉者百里其水又西出沙山鐵闢谷又西南流逕連
城別注案近刻脫逕字裂以為田桑弘羊曰臣愚以為連城
以西可遣屯田以威西國即此處也其水又屈而南
逕渠犁國西故史記曰西有大河即斯水也又東南
流逕渠犁國治渠犁城西北去烏壘三百三十里漢
武帝通西域屯渠犁即此處也南與精絕接東北與
尉犁接又南流注于河山海經曰敦薨之水西流注

于渤海蓋亂河流自西南注也河水又東逕墨山國

南治墨山城西至尉犁二百四十里河水又東逕注

賓城南又東逕樓蘭城南而東注

案此十九字原本及近刻並訛作經

蓋墺田士所屯

案墺田士近刻訛作發田土

故城禪國名耳河水

又東注于渤海

案此八字原本及近刻並訛作經今考北河自岐沙東分南河至此乃注

內叙葱嶺

北河所終即經所謂蒲昌海也水積鄯善之東北龍

城之西南龍城故姜賴之虛

案近刻訛作靈

胡之大國也蒲

昌海溢

案近刻脫昌字

湯覆其國城基尚存而至大

案近刻訛作元

晨發西門暮達東門滄其崖岸案近刻訛作西字上近滄其岸岸餘溜風吹稍成龍形西面向海案西字上近刻行皆字因名龍城地廣千里皆為鹽而剛堅也行人所逕畜產皆布虧臥之掘發其下有大鹽方如巨枕案近刻訛作桃以次相累類霧寡見星日少禽多鬼怪西接鄯善起雲浮案起近刻訛作氣

東連三沙為海之北隘矣故蒲昌亦有鹽澤之稱也山海經曰不周之山北望諸毗之山臨彼岳崇之山東望渤海河水之所潛也其源渾渾泡泡者也東去

玉門陽關千三百里

案漢書西域傳蒲昌海去玉門陽關三百餘里後漢書同惟水

經注作千三百里足證二書皆脫千字

廣輪四百里

案近刻作廣袤三百里其水

澄渟冬夏不減其中洄湍電轉為隱淪之脈當其澴流之上案近刻脫其字飛禽奮翮于霄中者無不墜于淵波矣即河水之所潛而出于積石也

又東入塞過敦煌酒泉張掖郡南

河自蒲昌有隱淪之證並間闕入塞之始自此經當求實致也河水重源又發于西塞之外出于積石之

山山海經曰積石之山其下有石門河水冒以西流

案西下近刻行南字

是山也萬物無不有

案近刻下有焉字

禹貢所謂

尊河自積石也山在西羌之中燒當所居也延熹二

年西羌燒當犯塞護羌校尉段熲討之追出塞至積

石山斬首而還司馬彪曰西羌者自析支以西濱于

河首左右居也

案左近刻訛作在

河水屈而東北流逕析支

之地

案逕下近刻有於字

是為河曲矣應劭曰禹貢析支屬雍

州在河關之西東去河關千餘里羌人所居謂之河

曲羌也東北歷敦煌酒泉張掖南應劭地理風俗記

曰敦煌

案下酒泉張掖皆釋其義此當有脫文漢書注引應劭曰敦大也煌盛也

酒泉其

水甘若酒味故也張掖言張國臂掖以威羌狄說文

曰郡制天子地方千里分為百縣縣有四郡故春秋

傳曰上大夫縣下大夫郡至秦始置三十六郡以監

縣矣從邑君聲釋名曰郡羣也人所羣聚也黃義仲

十三州記曰郡之言君也改公侯之封而言君者至

尊也郡守專權君臣之禮彌崇今郡字君在其左邑

在其右君為元首邑以載民故取名于君謂之郡漢
官曰秦用李斯議分天下為三十六郡凡郡或以列
國陳魯齊吳是也或以舊邑長沙丹陽是也或以山
陵太山山陽是也或以川原西河河東是也或以所
出金城城下得金酒泉泉味如酒豫章樟樹生庭鴈
門鴈之所育是也或以號令禹合諸侯大計東治之
山因名會稽是也案因字近刻訛作國上衍會計二字河逕其南而纏
絡遠矣河水自河曲又東逕西海郡南案此十二字原本及近刻

並訛作經又訛作河水自東河曲
考注義乃承上河曲之文今改正漢平帝時王莽秉

政欲耀威德以服遠方諷羌獻西海之地置西海郡

而築五縣焉周海亭燧相望莽篡政紛亂郡亦棄廢

河水又東逕允川而歷大榆小榆谷北

案此十五字原本及近刻

並訛羌迷唐鍾存所居也永元五年貴友代轂尚為

護羌校尉攻迷唐斬獲八百餘級收其熟麥數萬斛

于逢留河上築城以盛麥且作大船

案且近刻訛作其

于河

峽作橋渡兵迷唐遂遠依河曲永元九年

案近刻訛作八年

迷唐復與鍾存東寇而還十年謁者王信耿譚西擊

迷唐降之詔聽還大小榆谷迷唐

案此下近刻謂漢行種人二字謂漢

造河橋

案謂近刻作以

兵來無時故地不可居復叛居河曲

與羌為讎種人與官兵擊之允川去迷唐數十里營

止遣輕兵挑戰因引還迷唐追之至營因戰迷唐敗

走于是西海及大小榆谷

案近刻脫谷字

無復聚落踰糜相

曹鳳上言建武以來西戎數犯法常從燒當種起所

以然者以其居大小榆谷土地肥美又近塞內與諸

種相傍南得鍾存以廣其衆北阻大河因以為固又有西海魚鹽之利緣山濱河以廣田蓄案河近故能刻作水彊大常雄諸種今黨援沮壞案近刻說作壞沮親屬離叛其

餘勝兵不過數百宜及此時建復西海郡縣規固二

榆廣設屯田隔塞羌胡交關之路殖穀富邊省輸轉之役上拜鳳為金城西部都尉遂開屯田二十七部

案近刻脫毛字列屯夾河

案近刻脫列毛二字

與建威相首尾後羌反

遂罷按段國沙州記吐谷渾于河上作橋謂之河厲

長百五十步兩岸疊石作基陛節節相次大木從橫
更鎮壓兩邊俱平案近刻說作來相去三丈並大材以板橫
次之施鉤欄甚嚴飾橋在清水川東也

又東過隴西河關縣北洮水從東南來流注之

河水右逕沙州北案右近刻說作又段國曰澆河南南百七

十里有黃沙沙南北百二十里東西七十里西極大

楊川案楊近刻作陽望黃沙猶若人委乾糒于地案乾糒近刻作干糒

都不生草木蕩然黃沙周迴數百里沙州于是取號

焉地理志曰漢宣帝神爵二年置河關縣蓋取河之
關塞也風俗通曰百里曰同總名為縣縣玄也首也
從系倒首舉首易偏矣案此句有脫誤未詳言當玄靜平徭役

也釋名又曰縣懸也懸于郡矣荀義仲十三州記曰
縣弦也弦以貞直言下體之居鄰民之位不輕其誓
施繩用法不曲如弦弦聲近縣故以取名今系字在
半也案此句有誤未詳漢高帝六年案原本及近刻六竝訛作元據漢書改正令
天下縣邑城張晏曰令各自築其城也河水又東北

流入西平郡界左合二川南流入河又東北濟川水

注之

案此二十七字原本及近刻竝訛作經今考上文河關縣至後叙洮水皆依經為注又平近刻

卑訛作

水西南出濫瀆東北流入大谷謂之大谷水北

逕澆河城西南北流注于河水又東逕澆河故城

北

案此十字原本及近刻竝訛作經又東訛作東又

有二城東西角倚東北

去西平二百二十里宋少帝景平中拜吐谷渾阿豺

為安西將軍澆河公即此城也河水又東北逕黃川

城河水又東逕石城南左合北谷水

案此二十二字原本及近刻竝

訛作經昔段熲擊羌于石城投河墮坑而死者八百餘人即于此也河水又東北逕黃河城南

案此十字原本及近刻竝本及近刻竝

經訛作西北去西平二百一十七里河水又東北逕廣

違城北右合烏頭川水

案此十六字原本及近刻竝訛作經右訛作又

水發

遠川引納支津北逕城東而北流注于河河水又東

逕邯川城南

案此九字原本及近刻竝訛作經

城之左右厯谷有二

水

案二近刻訛作三

導自北山南逕邯亭注于河河水又東

臨津溪水注之

案此十字原本及近刻竝訛作經

水自南山北逕臨

津城西而北流注于河河水又東逕臨津城北白土

城南

案此十三字原本及近刻竝訛作經

十三州志曰左南津西六十

里有白土城

案近刻脫有字

城在大河之北而為緣河濟渡

之處

案原本訛作之北近刻處下復衍北字

魏涼州刺史郭淮

案淮為雍州刺

史此云涼州誤破羌遮塞于白土即此處矣

案塞近刻訛作寒

河水

又東左會白土川水

案此十字原本及近刻竝訛作經

水出自白土城

西北下東南流逕白土城北又東南注于河河水又

東北會兩川右合二水

案此十二字原本及近刻竝訛作經

參差夾岸

連壤負險相望河北有層山山甚靈秀山峰之上立石數百丈亭亭桀聳競勢爭高遠望峻峻若攢圖之託霄上其下層巖峭舉壁岸無階懸巖之中多石室焉室中若有積卷矣而世士罕有津達者案達近因刻作逮因謂之積書巖巖堂之內每時見神人往還矣蓋鴻衣羽裳之士練精餌食之夫耳俗人不悟其仙者乃謂之神鬼彼羌目鬼曰唐述復因名之為唐述山案之為近刻訛作之指其堂密之居謂之唐述窟其懷道宗玄之為之

士皮冠淨髮之徒亦徃棲託焉故秦川記曰河峽崖

傍有二窟一曰唐述窟高四十丈西二里有時亮窟

高百丈廣二十丈深三十丈藏古書五笥

案近刻訛作字

亮

南安人也下封有水

案下封未詳
疑是地名

導自是山溪水南

注河謂之唐述水河水又東得野亭南

案此八字原
本及近刻竝

訛作經今考南字即屬訛舛此
下叙野亭水所出之文亦脫

又東北流歷研川謂

之研川水又東北注于河謂之野亭口

案亭近刻
訛作城

河

水又東歷鳳林北

案此八字原本及
近刻竝訛作經

鳳林山名也五

巒俱峙者彥云

案彥近刻訛作謬

昔有鳳鳥飛遊五峰故山

有斯目矣秦州記曰枹罕原北名鳳林川川中則黃

河東流也河水又東與灘水合

案此八字原本及近刻竝訛作經

水

導源塞外羌中故地理志曰其水出西塞外東北流

歷野虜中逕消銅城西又東北逕列城東

案近刻晚北字逕下

又衍河字考地說無目蓋出自戎方矣左合列水

案合近刻訛作

右水出西北溪東北流逕列城北右入灘水

案右近刻訛作

又城居二水之會也灘水又北逕可石孤城西西戎

之名也又東北右合黑城溪水

案右近刻
訛作石

水出西北

山下

案山近刻
訛作溪

東南流逕黑城南又東南枝水左出

焉又東南入灘水灘水又東北逕榆城東榆城溪水

注之水出素和細越西北山下東南流逕細越川

案逕

下近刻
有于字夷俗鄉名也又東南出狄周峽東南右合黑

城溪之枝津津水上承溪水東北逕黑城東東北注

之榆溪又東南逕榆城南東北注灘水灘水又東北注

逕石門口山高險峻絕

案近刻
脫峻字

對岸若門故峽得厥

名矣疑即臯蘭山門也漢武帝元狩三年驃騎霍去

病出隴西至臯蘭謂是山之關塞也

案近刻謂字上近應

劭漢書音義曰

案近刻脫應劭二字

臯蘭在隴西白石縣塞外

案在字上近刻行應字

河名也孟康曰山關名也今是山去河

不遠故論者疑目河山之間矣離水又東北

臯蘭山

水自山左右翼注離水離水又東白石川水注之水

出縣西北山下

案近刻脫山字

東南流枝津東注焉白石川

水又南逕白石城西而注離水離水又東逕白石縣

故城南王莽更曰順礮闕駟曰白石縣在狄道西北

二百八十五里灘水逕其北今灘水逕其南

案其字近刻訛

作東而不不出其北也灘水又東逕白石山北應劭曰白

石山在東羅溪水注之

案近刻脫水字

水出西南山下東入

灘水灘水又東左合罕升南溪水水出罕升西

案近刻脫

一水東南流逕罕升南注之

案此二字近刻訛在前灘水逕東南下

十

三州志曰廣大阪在枹罕西北罕升在焉昔慕容吐
谷渾自燕歷陰山西馳而創居于此灘水又東逕枹

罕縣故城南應劭曰故枹罕侯邑也

案枹罕近刻作罕羌

十三

州志曰枹罕縣在郡西二百一十里灘水在城南門

前東過也灘水又東北故城川水注之水有二源南

源出西南山下東北流逕金紐大嶺北

案紐大二字近刻訛作細

北又東北逕一故城南又東北與北水會北源自西

南逕故城北右入南水亂流東北注灘水灘水又東

北左合白石川之枝津水上承白石川東逕白石城

北又東絕罕升溪又東逕枹罕城南又東入灘水灘

水又東北出峽北流注于河地理志曰灘水出自石

縣西塞外東至枹罕入河河水又逕左南城南

案此八字原本及

並說作經刻並十三州志曰石城西一百四十里有左

南城者也津亦取名焉大河又東逕赤岸北

案此八字原本

及近刻並說作經

即河夾岸也秦州記曰枹罕有河夾岸岸

廣四十丈義熙中乞佛于此河上作飛橋橋高五十

丈三年乃就河水又東洮水注之

案此八字原本及近刻並說作經朱

謀
堵築於前經文欲改洮水為澆水由不察此屬注文耳地理志曰水出塞外羌

中沙州記曰洮水與墊江水俱出強臺山山南即墊江源山東則洮水源山海經曰白水出蜀郭景純注云從臨洮之西傾山東南流入漢而至墊江故段國以為墊江水也洮水同出一山故知強臺西傾之異名也洮水東北流逕吐谷渾中案近刻
脫逕字吐谷渾者始是東燕慕容之枝庶因氏其字以為首類之種號也故謂之野虜自洮冀南北三百里中地草徧是龍鬚而無樵柴洮水又東北流逕洮陽曾城北案近刻
脫洮字沙

州記曰強城東北三百里有曾城城臨洮水者也建
初二年羌攻南部都尉于臨洮上遣行車騎將軍馬
防與長水校尉耿恭救之諸羌退聚洮陽即此城也
洮水又東逕洪和山南案洪近刻訛作共城在四山中洮水
又東逕迷和城北羌名也又東逕甘枳亭歷望曲在
臨洮西南案近刻脫去龍桑城二百里案近刻脫城二字洮水
又東逕臨洮縣故城北禹治洪水西至洮水之上見
長人受黑玉書于斯水上洮水又東北流屈而逕索

西城西建初二年馬防耿恭從五溪祥檻谷出索西
與羌戰破之築索西城徙隴西南部都尉居之俗名
赤水城案近刻脫俗名二字亦曰臨洮東城也沙州記曰從東
洮至西洮百二十里者也洮水又屈而北逕龍桑城
西而西北流馬防以建初二年從安故五溪出龍桑
開通舊路者也俗名龍城洮水又西北逕步和亭東
步和川水注之水出西山下東北流出山逕步和亭
北東北注洮水洮水又北出門峽歷求厥川葦川水

注之水出桑嵐西溪東流歷桑嵐川又東逕葦川北
東入洮水洮水又北厯峽逕偏橋出夷始梁右合葦
壇川水水東南出石底橫下北厯葦壇川西北注洮
水洮水又東北逕桑城東又北會藍川水水源出求
厥川西北溪案近刻作出來厯川
西北溪南流厯川東北流逕藍川歷
桑城北案近刻訛作歷水城城北東入洮水洮水又北逕外羌城
西又北逕和博城東城在山內左合和博川水案水字近
刻亦作川水出城西南山下東北逕和博城南東北注于

洮水洮水北逕安故縣故城西地理志

案志下近隴
刻行日字隴

西之屬縣也十三州志曰縣在郡南四十七里蓋延

轉擊狄道安故五溪反羌

案反近刻
訛作及

大破之即此也

洮水又北逕狄道故城西

案狄道原本竝作降
狄道據漢書刪下同
闕駢

曰今曰武始也洮水在城西北流

案北流近刻
訛作東北下又北

隴水注之

案隴近刻
訛作壘

即山海經所謂濫水也水出鳴

鼠山西北高城嶺西逕隴城

案近刻脫隴
字城訛作底

其山岸崩

落者聲聞數百里故揚雄稱響若城頽是也又西北

歷白石山下地理志曰狄道東有白石山濫水又西

北逕武街城南

案街近刻訛作階

又西北逕狄道故城東百

官表曰縣有蠻夷謂之道公主所食曰邑

案近刻訛作有公主

日色應劭曰反舌左衽不與華同須有譯言乃通也漢

隴西郡治秦昭王二十八年置應劭曰有隴城在其

東故曰隴西也神仙傳曰封君達隴西人服鍊水銀

年百歲視之如年三十許騎青牛故號青牛道士王

莽更郡縣之名郡曰厭戎縣曰操虜也昔馬援為隴

西太守六年為狄道開渠引水種秔稻而郡中樂業

即此水也濫水又西北流注于洮水

案流下近刻行運字洮水

右合二水左會大夏川水

案左近刻訛作右

水出西山二源

合舍而亂流逕金紐城南

案紐近刻訛作柳下同

十三州志曰

大夏縣西有故金紐城去縣四十里本都尉治又東

北逕大夏縣故城南地理志

案志下近刻衍曰字

王莽之順夏

晉書地道記曰縣有禹廟禹所出也又東北出山注

于洮水洮水又北翼帶三水亂流北入河地理志曰

洮水北至枹罕東入河是也

又東過金城允吾縣北

金城郡治也漢昭帝始元六年置王莽之西海也莽
又更允吾為脩遠縣河水逕其南不在其北南有湟
水出塞外東逕西王母石室石盆西海鹽池北故闢
駟曰其西即湟水之源也地理志曰湟水所出

案出下近

刻有
也字湟水又東南流逕龍夷城故西零之地也十三

州志曰城在臨羌新縣西三百一十里王莽納西零

之獻以為西海郡治此城湟水又東南逕卑禾羌海
北有鹽池闢駟曰縣西有卑禾羌海者也世謂之青
海東去西平二百五十里湟水東流逕湟中城北故
小月氏之地也十三州志曰西平張掖之間大月氏
之別小月氏之國蔚宗後漢書曰湟中月氏胡者其
王為匈奴所殺餘種分散西踰葱嶺其弱者南入山
從羌居止故受小月氏之名也後漢西羌傳曰羌無
弋爰劍者秦厲公時以奴隸亡入三河羌怪為神案

刻脫

怪字推以為豪河湟之間多禽獸以射獵為事遂見

敬信依者其衆其曾孫忍因留湟中為湟中羌也湟

水又東右控四水導源四溪東北流注于湟湟水又

東逕赤城北而東入經戎峽口右合羌水水出西南

山下

案近刻脫
一水字

逕護羌城東故護羌校尉治又東北

逕臨羌城西東北流注于湟

案近刻
脫注字

湟水又東逕臨

羌縣故城北漢武帝元封元年

案元封近刻
訛作元狩

以封孫

都為侯國王莽之監羌也謂之綏戎城非也湟水又

東盧溪水注之水出西南盧川東北流注于湟水湟水又東逕臨羌新縣故城南閻駟曰臨羌新縣在郡西百八十里湟水逕城南也城有東西門西北隅有子城湟水又東右合滔溪伏滔石杜蠡四川東北流注之左會臨羌溪水水發新縣西北東南流歷縣北東南入湟水湟水又東龍駒川水注之水右出西南山下案右近刻訛作又東北流逕龍駒城北流注于湟水湟水又東長寧川水注之水出松山東南流逕晉昌城

案近刻
訛作川

晉昌川水注之長寧水又東南養女川水注

之水發養女北山有二源皆長湍遠發南總一川逕

養女山謂之養女川闢駟曰長寧亭北有養女嶺即

浩亹山西平之北山也亂流出峽南逕長寧亭東城

有東西門東北隅有金城在西平西北四十里十三

州志曰六十里遠矣長寧水又東南與一水合水出

西山東南流水南山上

案南上近
刻衍出字

有風伯祠春秋祭

之其水東南逕長寧亭南東入長寧水長寧水又東

南流注于湟水湟水又東牛心川水注之水出西南
遠山案西近刻訛作其 東北流逕牛心堆東又北逕西平亭

西東北入湟水湟水又東逕西平城北東城即故亭
也漢景帝六年封隴西太守北地公孫渾邪為侯國
魏黃初中立西平郡憑倚故亭增築南西北三城以
為郡治湟水又東逕土樓南樓北倚山原峰高三百
尺有若削成樓下有神祠雕牆故壁存焉闢駟曰西
平亭北有土樓神祠者也今在亭東北五里右則五

泉注之泉發西平亭北鴈次相綴東北流至土樓南
北入湟水湟水又東右合蔥谷水水有四源各出一
溪亂流注于湟湟水又東逕東亭北東出漆峽山峽
也東流右則漆谷常溪注之左則甘夷川水入焉湟
水又東安夷川水注之水發遠山西北流控引衆川

案近刻流訛作逕脫引字

北屈逕安夷城西北東入湟水湟水又

東逕安夷縣故城城有東西門在西平亭東七十里

案在近刻訛作去

闢駟曰四十里湟水又東左合宜春水水

出東北宜春溪西南流至安夷城南入湟水

案近刻
脫城字

湟水又東勒且溪水注之水出縣東南勒且溪北流
逕安夷城東而北入湟水湟水有勒且之名疑即此

號也閼駟曰金城河初與浩亹河合又與勒且河合

者也湟水又東左則承流谷水南入

案左則近
刻作左合

右會

達扶東西二溪水參差北注亂流東出期頓雞谷二

水北流注之

案期宇上近刻
行東流二字

又東

案近刻脫
此二字

吐那孤

長門兩川南流入湟水六山名也

案此四字原本訛
在上亂流東出句

下今考上六水出六山之溪谷皆舉山以名其水故總釋之亦注內之小注

惶水又東逕

樂都城南東流右合來谷乞斤一水

案近刻右訛作又斤下行流字

左會陽非流溪細谷三水東逕破羌縣故城南應劭曰漢宣帝神爵二年置城省南門十三州志曰湟水

河在南門前東過六谷水自南破羌川自北左右翼

注湟水又東南逕小晉興城北故都尉治閼駟曰允

吾縣西四十里有小晉興城

案城下近刻行也

湟水又東與

閭門河合即浩亹河也出西塞外

案西下近刻行北

東入塞

逕敦煌酒泉張掖南東南逕西平之鮮谷塞尉故城
南又東南與湛水合水有二源西水出自嶺下東源
發于白岸谷合為一川東南流至霧山注閻門河閻
門河又東逕養女北山東南左合南流川水水出北
山案近刻脫
一水字南流入于閻門河閻門河又東逕浩亹
縣故城南王莽改曰興武矣闢駟曰浩讀閻也故亦
曰閻門水兩兼其稱矣又東流注于湟水故地理志
曰浩亹水東至允吾入湟水湟水又東逕允吾縣北

為鄭伯津與澗水合

案澗近刻
訛作潤

水出今居縣西北塞

外

案出下近刻
行縣北二字

南流逕其縣故城西漢武帝元鼎二

年置王莽之罕虜也又南逕永登亭西歷黑石谷南

流注鄭伯津湟水又東逕允街縣故城南漢宣帝神

爵二年置王莽之脩遠亭也縣有龍泉出允街谷泉

眼之中水文成交龍

案交近刻
訛作蛟

或試撓破之尋巫成

龍畜生將飲者皆畏避而走謂之龍泉下入湟水湟

水又東逕枝楊縣逕水注之水出允吾縣之參街谷

東南流逕街亭城南又東南逕陽非亭北

案亭北近刻訛作北

亭又東南逕廣武城西故廣武都尉治郭淮破叛羌

治無戴

案原本訛作故無載據三國志改正

于此處也城之西南二十

許里水西有馬蹏谷漢武帝聞大宛有天馬遣李廣

利伐之始得此馬有角為奇故漢武帝天馬之歌曰

案武帝二字近刻訛作賦字

案賦字近刻

天馬來兮歷無草

案近刻訛作草逕

千里兮

循東道

案循近刻訛作巡

胡馬感北風之思遂頓羈絕絆驤

首而馳晨發京城夕至敦煌北塞外

案夕字近刻作食時二字長

鳴而去因名其處曰候馬亭今晉昌郡南及廣武馬
蹏谷盤石上馬跡若踐泥中有自然之形故其俗號
曰天馬徑夷人在邊效刻是有大小之迹體狀不同
視之便別逆水又東逕枝陽縣故城南東南入于湟
水地理志曰逆水出允吾東至枝陽入湟湟水又東
流案湟水二字近刻訛作河字注于金城河即積石之黃河也閼
駟曰河至金城縣謂之金城河隨地為名也釋氏西
域記曰牢蘭海東伏流龍沙堆在屯皇東南四百里

阿步干鮮卑山

案阿步干近刻訛作河步干

東流至金城為大河

河出崑崙

案近刻脫一河字

崑崙即阿耨達山也河水又東

逕石城南

案此八字原本及近刻竝訛作經

謂之石城津闕駟曰在

金城西北矣河水又東南逕金城縣故城北應劭曰

初築城得金故曰金城也漢書集註薛瓚云金者取

其堅固也故墨子有金城湯池之言矣王莽之金屏

也世本曰鯀作城風俗通曰城盛也從土成聲管子

曰內為之城城外為之郭

案近刻脫一城字

郭外為之土閭

案近刻訛作
郭外之上開地

案地近刻
訛作池

下則限之
刻脫

案近
刻

刻
脫

此四字

命之曰金城十三州志曰大河在金城北門東

流有梁泉注之出縣之南山按者舊言梁暉字始娥漢大將軍梁冀後冀誅入羌後其祖父為羌所推為渠帥而居此城土荒民亂暉將移居枹罕出頓此山為羣羌圍迫無水暉以所執榆鞭豎地以青羊祈山神泉湧出榆木成林其水自縣北流注于河也

又東過榆中縣北

昔蒙恬為秦北逐戎人開榆中之地按地理志

案志下近

刻行
曰字

金城郡之屬縣也故徐廣史記音義曰榆中在

金城即阮嗣宗勸進文所謂榆中以南者也

又東過天水北界

苑川水出勇士縣之子城南山

案苑近刻作苑下同

東北流歷

此成川

案成近刻訛作城

世謂之子城川又北逕牧師苑故

漢牧苑之地也羌豪迷吾等萬餘人

案迷近刻訛作迷

到襄

武首陽平襄勇士抄此苑馬

案抄上近刻行至字馬訛作焉

焚燒亭

驛即此處也又曰苑川水地為龍馬之沃土故馬援

請與田戶中分以自給也有東西二苑城相去七十

里

案近刻作七里

西城即乞佛所都也又北入于河也

又東北過武威媪圍縣南

案近刻訛作又北過武威媪圍縣東北

河水逕其界東北流縣西南有泉源東逕其縣南又

東北入河也

又東北過天水勇士縣北

地理志曰滿福也

案滿近刻訛作蒲

屬國都尉治王莽更名

之曰紀德有水出縣西

案近刻脫有字西訛作山

謂之二十八

渡水東北流溪澗萦曲途出其中逕二十八渡行者

勤于溯涉故因名焉北逕其縣而下注河又有赤暉

川水南出赤蒿谷北流逕赤暉川又北逕牛官川又

北逕義城西北北流歷三城川而北流注于河也

又東北過安定北界麥田山

河水東北流逕安定祖厲縣故城西北

案此十五字原本及近刻

並訛漢武帝元鼎三年

案近刻訛作五年

幸雍遂踰隴登空

同西臨祖厲河而還即于此也王莽更名之曰鄉禮

也李斐曰音賴又東北祖厲川水注之水出祖厲南

山北流逕祖厲縣而西北流注于河案河下近刻行水字河水

又東北逕麥田城西又北與麥田泉水合

案此十八字原本及

近刻並訛作經水出城西北西南流注于河河水又東北逕

麥田山西谷

案此十一字原本及近刻並訛作經今考以上注文記河之西南來所逕至此

即經所謂東北過安定北界麥田山也

山在安定西北六百四十里

案近

刻脫山字河水又東北逕于黑城北又東北高平川水注

之

案此十九字原本及近刻並訛作經

即苦水也

案苦近刻作若下同

水出高

平大隴山苦水谷

案隴近刻訛作壘

建武八年世祖征隗囂

吳漢從高平第一城苦水谷入

案原本及近刻並脫吳字據後漢書補

即是谷也東北流逕高平縣故城東漢武帝元鼎三年置

案近刻

安定郡治也王莽更名其縣曰鋪睦西

十里有獨阜阜上有故臺臺側有風伯壇故世俗呼

此阜為風堆其水又北龍泉水注之水出縣東北七

里龍泉東北流注高平川川水又北出秦長城

案長字近

刻訛在
城字下

城在縣北一十五里又西北流逕東西二土

樓故城門北案土樓近刻訛作太婁

合一水水有五源咸出龍

山西東水發源縣西南二十六里湫淵淵在四山中

湫水北流西北出長城北與次水會水出縣西南四

十里長城西山中北流逕魏行宮故殿東又北次水

注之出縣西南四十里山中北流逕行宮故殿西又

北合次水水出縣西南四十八里東北流又與次水

合水出縣西南六十里酸陽山東北流左會右水總

為一川東逕西樓北

案樓近刻亦訛作婁

東注苦水段頗為護

羌校尉于安定高平苦水討先零斬首八千級于是

水之上苦水又北與石門水合水有五源東水導源

高平縣西八十里西北流次水注之水出縣西百二

十里如州泉東北流右入東水亂流左會三川參差

相得東北同為一川混濤歷峽峽即隴山之北垂也

謂之石門口水曰石門水在縣西北八十餘里石門

之水又東北注高平川川水又北自延水注之水西

出自延溪

案近刻
脫水字

東流歷峽謂之自延口在縣西北

百里

案近刻
脫在字
縣下復行之字

又東北逕延城南東入高平川

川水又北逕

廩城東按地理志

案志下近
刻行日字

北地有廩

縣

案近刻
廩城字

閼駟言在富平北自昔匈奴侵漢新秦

之土率為狄場故城舊壁盡從胡目

案胡近刻
訛作故

地理

論移不可復識當是世人誤證也川水又北苦水注

之水發縣東北百里山

案此處應
有訛脫

流注高平川川水

又北

案近刻訛作流注
高平高平又北

逕三水縣西肥水注之水出

高平縣西北二百里牽條山西東北流與若勃溪合

水有二源

案水字近刻訛在合字上

總歸一瀆東北流入肥肥水

又東北流違泉水注焉泉流所發導于若勃溪東東

北流入肥肥水又東北出峽注于高平川水東有山

山東有三水縣故城本屬國都尉治王莽之廣延亭

也西南去安定郡三百四十里議郎張良

案議近刻訛作侍

為安定屬國都尉治此羌有獻金馬者與召主簿張

祁入于羌前以酒酌地曰使馬如羊不以入殿使金

如栗不以入懷盡還不受威化大行縣東有溫泉溫
泉東有鹽池故地理志曰縣有鹽官今于城之東北
有故城城北有三泉疑即縣之鹽官也高平川水又
北入于河河水又東北逕昫卷縣故城西案此十二
字原本及
近刻並
訛作經地理志曰河水別出為河溝東至富平北入
河河水于此有上河之名也

金匱正庫全書

卷二



水經注卷二



總校官庶吉士臣張能照
校對官庶吉士臣嚴福
謄錄監生臣陸學稼